

# PAPURAU BUSNES

2 Chwefror 2000

Rhan 1 – Adran G

## Rhybuddion o Gynigion a Gwelliannau ar gyfer Dadleuon yn y Dyfodol

Cynigion a gyflwynwyd ar 26 Ionawr 2000

Pwnc ar gyfer Dadl Fer

**John Marek (Wrecsam);** Prif Lein Gogledd Cymru (NDM175)

**Andrew Davies (Gorllewin Abertawe)**

Cynnig bod y Cynulliad yn:

(a) ystyried adroddiad y Pwyllgor Deddfau ar y Rheoliadau drafft "Rheoliadau Cyngor Iechyd Cymunedol – Diwygiad - (Cymru) 2000" a osodwyd yn y Swyddfa Gyflwyno ar 26 Ionawr 2000.

(b) ystyried egwyddor y Rheoliadau; ac

(c) yn cymeradwyo bod y Rheoliadau wedi'u gwneud yn unol â'r drafft a osodwyd yn y Swyddfa Gyflwyno ar 19 Ionawr 2000. (NDM176)

**Andrew Davies (Gorllewin Abertawe)**

Cynnig bod y Cynulliad yn:

(a) ystyried adroddiad y Pwyllgor Deddfau ar Orchymyn drafft y "Rheoliadau Grant Cynnal Refeniw (Cyrff a Enwir) (Cymru) 2000" a osodwyd yn y Swyddfa Gyflwyno ar 26 Ionawr 2000;

(b) ystyried egwyddor y Gorchymyn; ac

(c) yn cymeradwyo bod y Gorchymyn wedi'i wneud yn unol â'r drafft a osodwyd yn y

Swyddfa Gyflwyno ar 19 Ionawr 2000. (NDM177)

## **Andrew Davies (Gorllewin Abertawe)**

Cynnig bod y Cynulliad yn:

(a) ystyried adroddiad y Pwyllgor Deddfau ar Orchymyn drafft "Rheoliadau Awdurdodau'r Parciau Cenedlaethol (Trethi) (Cymru) (Diwygiad) 2000" a osodwyd yn y Swyddfa Gyflwyno ar 26 Ionawr 2000.

(b) ystyried egwyddor y Gorchymyn; ac

(c) yn cymeradwyo bod y Gorchymyn wedi'i wneud yn unol â'r drafft a osodwyd yn y Swyddfa Gyflwyno ar 19 Ionawr 2000. (NDM178)

## **Andrew Davies (Gorllewin Abertawe)**

Bod y Cynulliad, yn unol â'r penderfyniad a wnaeth ar 8 Rhagfyr 1999:

- yn cymeradwyo'r ymateb i raglen ddeddfu Llywodraeth y DU fel y'i gosodwyd yn y Swyddfa Gyflwyno ar 26 Ionawr ac yn galw ar y Prif Ysgrifennydd i gyfleu'r ymateb hwnnw i Ysgrifennydd Gwladol Cymru; ac
- yn parhau i gefnogi'r egwyddor y dylai unrhyw ddeddfwriaeth sylfaenol sy'n effeithio ar Gymru drosglwyddo'r holl swyddogaethau priodol i'r Cynulliad mewn ffordd hyblyg a'i fod a'r Cabinet yn parhau i bwysu ar y Llywodraeth i arddel yr egwyddor hon yn ei holl Fesurau; ac
- yn cymeradwyo'r protocol drafft ar gynigion y Cynulliad ar gyfer deddfau sylfaenol a osodwyd yn y Swyddfa Gyflwyno ar 26 Ionawr ac yn galw ar y Prif Ysgrifennydd i ofyn i Ysgrifennydd Gwladol Cymru roi sêl ei fendith iddo; ac
- yn galw ar y Prif Ysgrifennydd i gyflwyno i'r pwyllgor busnes gynigion ar gyfer diwygio'r Rheolau Sefydlog i ddod â'r protocol i rym cyn gynted â phosibl. (NDM179)

**Gwelliannau a Gyflwynwyd ar 28 Ionawr 2000**

Cynnig bod y Cynulliad yn penderfynu mabwysiadu'r gwelliannau a ganlyn i'r cynnig uchod:

**1. Ieuan Wyn Jones (Ynys Môn)**

Yn y pwynt bwled cyntaf, dileu "cymeradwyo" a rhoi yn ei le "nodi".

**2. Ieuan Wyn Jones (Ynys Môn)**

Yn yr ail bwynt bwled, ar ôl y geiriau "a'i fod" ychwanegu "drwy'r pwyllgorau pwnc".

**3. Nick Bourne (Canolbarth a Gorllewin Cymru)**

Yn y pwynt bwled cyntaf, dileu "cymeradwyo'r ymateb" a rhoi yn ei le "nodi ymateb y weithrediaeth".

**4. Nick Bourne (Canolbarth a Gorllewin Cymru)**

Yn y pwynt bwled cyntaf, ar ôl "26 Ionawr" rhoi "ond yn mynegi pryder nad yw'r ymateb yn sôn am y Mesur Cyllid sydd ar y gweill a'r angen i dderbyn cyllid cyfatebol llawn ar gyfer rhaglenni Amcan 1 yn y Mesur hwnnw,".

**5. Nick Bourne (Canolbarth a Gorllewin Cymru)**

Yn y pwynt bwled cyntaf, ar ôl "26 Ionawr" rhoi "ond yn gresynu bod 'hawl i grwydro' wedi'i chynnwys yn y Mesur Cefn Gwlad,".

**6. Mike German (Dwyrain De Cymru)**

Rhoi ar ôl "Ysgrifennydd Gwladol Cymru" yn y pwynt bwled cyntaf: "yn amodol ar ddiwygiadau i adlewyrchu barn y Cynulliad hwn:

- y dylid rhoi hyblygrwydd i'r Cynulliad gymeradwyo modelau o lywodraeth leol yng Nghymru sy'n adlewyrchu'n agos ei strwythur ei hun
- y dylid rhoi'r un pwerau i'r Cynulliad ag a roddwyd i Senedd yr Alban i gyfarwyddo'r Awdurdod Rheilffyrdd Strategol mewn perthynas ag un ffranseis rheilffyrdd i Gymru
- y dylid gwrthwynebu unrhyw symudiadau yn y Mesur Gwasanaethau Post a fyddai'n golygu bod llai o swyddfeydd post ym mhob rhan o Gymru, boed wledig neu drefol".

**7. Mike German (Dwyrain De Cymru)**

Rhoi ar ôl "Ysgrifennydd Gwladol Cymru" yn y pwynt bwled cyntaf: "yn amodol ar ddiwygiadau i adlewyrchu barn y Cynulliad hwn:

- bod diddymu hawl diffynyddion i ddewis treial gan reithgor a gynigir yn y Mesur Cyfiawnder Troseddol (Dull y Treial) yn effeithio'n ddifrifol ar hawliau sifil".

## **8. Mike German (Dwyrain De Cymru)**

Rhoi ar ôl "Ysgrifennydd Gwladol Cymru" yn y pwynt bwled cyntaf: "yn amodol ar ddiwygiadau i adlewyrchu barn y Cynulliad hwn:

- na ddylid defnyddio profion cyffuriau gorfodol oni chyhuddwyd rhywun o drosedd yn ymwneud â chyffuriau
- y dylid ehangu cwmpas y Mesur Rhyddid Gwybodaeth arfaethedig i lefel debyg i'r hyn a gynigir yn Senedd yr Alban
- y byddai cyflwyno cynrychiolaeth gyfrannol mewn etholiadau llywodraeth leol yn ffordd well o gynyddu atebolrwydd mewn awdurdodau lleol yng Nghymru".

## **9. Mike German (Dwyrain De Cymru)**

Ychwanegu at y diwedd: "Mae angen eglurhad pellach, fodd bynnag ar y Cynulliad hwn ar gynigion pwerau deddfwriaeth sylfaenol y Cynulliad i gadarnhau:

- na fyddai defnyddio'r geiriau "fel y bo'n briodol" ym mhwyntiau 7 a 15 yn caniatáu disgresiwn i'r Ysgrifennydd Gwladol ddewis a fydd cynigion y Cynulliad yn cael eu cyfleu i'w gyd-Weinidogion ai peidio
- na fyddai defnyddio'r geiriau "ble'n briodol" ym mhwynt 12 yn caniatáu disgresiwn i Ysgrifennydd perthnasol y Cynulliad ddewis a ddylid ymgynghori â'r pwyllgor pwnc perthnasol ai peidio

a diwygio'r protocol yn unol â hynny yn ôl yr angen.